

哈密志

哈密志

邊疆禁書甲集之二

## 哈密志序

夫通都大邑皆有志書者特信今而傳後也或誤而失實缺而不全倘以無稽之談荒唐之事均入於本內卽不足以信今而傳後考哈密嚮無志書亦因古之匈奴所屬回鶻之地前朝雖遣兵戍守亦不過羈縻鎮戍之而已迨至本朝乾隆二十三年平定準噶爾部落將所屬回部悉皆歸入版圖始有常官專責營制兵額距今又八十餘年亦未有纂輯之余來守斯土數月之間兵民醇厚公務簡約爰命各房吏書揀數十年案牘分類編次具得事理之本末而山川景物風土人情逐日講求或公餘踏勘徵於目覩或廣爲搜羅補所未備以現在遵照辦理事例列之於前又以遠年往事詳加校訂列之於後名曰志而非志也恐日久案牘霉爛爲助案卷之翼耳然余一人校閱才識短淺始行草創疎陋不文難免有憶想之不到採擇之未周謬訂一函以俟後之君子高明詳考補輯云爾道光歲次丙午小春朔日於天山書齋午亭鍾方自序

哈密志修志姓氏

參訂

未入流 馬俊良

未入流 李生成

從九品 李興家

校對

漢印房總經承 劉克勤

戶部糧餉經承 張鑑

駝馬回務經承 趙春

幫辦承書 王柱

膳錄

正貼書 魯玢

正貼書 羅滿倉

正貼書 王詔

正貼書 張鵬

正貼書 楊遵武

正貼書 李榮

# 哈密志

## 凡例

一哈密土地人民政事繁多未載之於志書茲以天文輿地食貨職官武備紀事學校選舉人物回部十志爲綱分類附之較爲得體

一久因無志書亦無圖式茲特繪圖並彙列志書於卷首

一志書之作以表彰善類爲亟原爲引導人心歸正昭明節義之舉確切查閱以可憑據者書之用昭激勸

一現在職官人物雖有善績均不錄遵舊例也


一職官兵制戶口雜稅風俗土產之類今昔不同茲皆以今行辦之事一一錄志

一志貴徵實故從前軍興之際繁費極多概經歷年節汰載之於紀事卷中

一詩文碑記之類散附山川廟宇古蹟之後不別爲藝文志以便省覽


一各房案牘自雍正年間不全者而諮詢故老亦寥寥無幾如營廳各倉建自何年鄉學營學立於何時及遠年猶疑無可考證之事姑闕焉

一以一人之見聞而又於公事之暇倥偬之餘荒疎缺略咎固難辭惟望後之君子補輯而釐正之



哈密全地圖


哈密城之圖









井鬼二宿分野之圖


井宿全圖



鬼宿全圖



○  
人紀



# 哈密志目錄

卷之一	天文志	分野	卷之二	天文志	灾祥
卷之三	輿地志	沿革	卷之四	輿地志	界址
卷之五	輿地志	卡隘	卷之六	輿地志	疆域
卷之七	輿地志	形勢	卷之八	輿地志	山嶺
卷之九	輿地志	川泉	卷之十	輿地志	橋梁
卷之十一	輿地志	鄉莊	卷之十二	輿地志	古蹟
卷之十三	輿地志	城池	卷之十四	輿地志	街巷
卷之十五	輿地志	祠宇	卷之十六	輿地志	公署
卷之十七	輿地志	風俗	卷之十八	食貨志	屯田糧石
卷之十九	食貨志	廳倉	卷之二十	食貨志	經費開銷
卷之二十一	食貨志	雜課	卷之二十二	食貨志	戶口
卷之二十三	食貨志	物產	卷之二十四	職官志	官制

卷之二十五 職官志 文職 卷之二十六 職官志 武職

卷之二十七 武備志 兵額 卷之二十八 武備志 屯兵

卷之二十九 武備志 卡兵 卷之三十 武備志 營庫營倉

卷之三十一 武備志 紅白恩賞 卷之三十二 武備志 營庫軍械

卷之三十三 武備志 公庫軍械 卷之三十四 武備志 公庫軍裝

卷之三十五 武備志 局庫藥鉛 卷之三十六 武備志 營馬

卷之三十七 武備志 差馬 卷之三十八 武備志 備撥馬匹

卷之三十九 武備志 差駝 卷之四十 武備志 軍臺

卷之四十一 武備志 營塘 卷之四十二 紀事志 現遵事例

卷之四十三 紀事志 遠年往事 卷之四十四 學校志 營學鄉學

卷之四十五 學校志 典禮 卷之四十六 選舉志 佐雜

卷之四十七 選舉志 生員 卷之四十八 選舉志 武舉

卷之四十九 人物志 守備 卷之五十 人物志 節婦

卷之五十一 回部志 回王源流

# 哈密志卷之一

天文志一

## 分野

夫庶徵衍九疇占星之權輿也故未及乎分域自周禮保章氏主九州皆有分星則職方太史之掌統而爲一抑或又聞保章氏之言曰分星以觀妖祥其與易賁之象曰觀天文以察時變其義所關鉅焉今陝西西安府屬秦秦又屬古禹貢雍州之域井鬼分野

謹按天文志其舊九州分野之書既亡而十二國分野之說多屬附會自古分野皆爲中原定以九州之內而外夷不與焉今甘肅州哈密等處古屬西羌西戎之地自古未列於九州之數考之諸書皆未載紀今亦不可強而附會既知未確亦不可妄載愚謂惟以地行里數合計今平涼府寧夏一帶尙然分野仍屬井鬼宿位自應以西安府至哈密里數爲證距哈密四千四百三十里以地行二百五十里爲應天上一度乃有所據合計十七度有奇而至哈密即爲哈密之分野也余不知其確不敢直然贅入惟將陝西省分野繪爲圖式載之其井鬼宿西北或居某星之次或居某星之首或左或右或遠或近度數

多寡不能指出而分野篇中僅以地行里數推測而上應天天之宿度似覺得其確因余有所疑誠恐蹈於附會姑且闕之

# 哈密志卷之二

天文志二

災祥

雍正十年春軍營見五色雲寧遠大將軍以聞

雍正十二年星星硤山水大發冲塌店舍民人災

乾隆二十五年七月地震

乾隆二十六年二月大風晝昏下黃沙人多病哈密從此多風

乾隆三十年四月蝗從西北飛來

乾隆三十三年夏回子牧養牛產六隻腿犢又回子狗產二隻腿者能跳躍而行

乾隆三十四年十二月封印日夜亥時東北有紅黑氣現至四更消散次年多火災

乾隆三十五年四月朔白晝忽有大風從東北來聲若雷將南哨門外碑亭內石碑吹折三

段碑亭牆垣並無傾頽

乾隆三十七年春山水大發是歲田禾大有裨益麥穀豐收

乾隆三十八年冬臘哈密大雪四十餘日

乾隆三十九年五月間天降大雪惟山北尤甚凍斃人民并牛羊頗多哈密雨雪相傳罕見  
雨雪甚多羣回咸稱瑞徵官斯土者以聞

乾隆五十年冬哈密天寒異常凍死牲畜甚多

乾隆六十年二月二十八日酉正地震

道光二十三年五月初三日卯刻地震甚大傾頽民舍牆垣傷人甚多

道光二十六年七月二十六日申初地微震經承張鑑呈獻伊祖所記哈密災祥事略



# 哈密志卷之三

輿地志一

沿革

哈密乃古匈奴國屬域

伊吾在敦煌北大磧外自昔爲域外地不在九州之限

漢武帝開設河西四郡曾遣將出兵於此伐破匈奴然未有建置戍兵其後仍爲匈奴所據  
漢明帝始取其地爲屯田鎮戍之所未置郡縣

後魏始置伊吾郡後又爲外域所據

唐貞觀四年內附置西伊州六年改爲伊州

天寶初曰伊吾郡五代時號胡廬磧小月氏遺種居之

宋時土人陳氏據其地元族屬忽納失里封威武王居此尋改封肅王卒弟阿克帖木兒嗣  
明永樂元年遣使入貢明年設哈密衛改封阿克帖木兒爲忠順王其部落有回回畏兀兒  
哈喇灰三種皆領以都督統於王哈密居諸衛最西爲西域噤喉中華拱衛凡諸番入貢必

哈密譯其文乃發以故特重安克帖木兒立一年卒無子兄子脫脫嗣王九年卒封脫脫從弟兔力帖木兒爲忠義王

宣德元年卒以脫脫子卜答失里嗣王仍稱忠順以幼故仍立忠義王子脫歡帖木兒爲忠義王共守其國

正統四年忠義王卒子哈力速魯壇嗣別名倒瓦答失里無何瓦剌攻哈密劫王及王母去哈密自是畏瓦剌稍二於中國

天順元年卒弟卜列革嗣

八年卒世絕王母弩溫答失里署國事詔以故忠順王脫歡帖木兒外孫把塔木兒爲右都督守哈密死子罕慎嗣

成化九年土魯番強控弦可五萬其長速壇阿力尤勇黠速壇華言王也攻破哈密執王母去罕慎竄苦峪城詔都督同知李文討之至則調赤斤罕東兵數千駐苦峪旋罷還阿力益

橫

十四年阿力死子阿黑麻嗣

十八年罕慎入哈密

宏治元年阿黑麻亦壯詐殺罕慎請代領西域不許求忠順近屬安定王裔孫陝巴爲嗣

四年土魯番以哈密來歸明年封陝巴爲忠順王入哈密又以頭目奄克孛木刺阿木郎輔之阿黑麻復乘間攻殺阿木郎執陝巴去詔以部長寫亦虎僊爲都督轄三種部落奄克孛木刺爲之長如罕慎故事阿黑麻遂稱可汗略罕東諸衛聲言攻肅州蹂甘州

七年閉嘉峪關絕西域貢令怨阿黑麻時阿黑麻已西還留四百騎據哈密

八年肅州撫彝指揮楊鸞言罕東有徑路達哈密不旬日至襲之必克宜以罕東爲先鋒我兵繼之樞臣馬文升以爲然於是撫臣許進奉詔使河西別將彭清以三千騎往結罕東旣而師至肅州遲罕東兵不至乃循大路行乏水草騎不得逞番將牙蘭覘知遁去遂入哈密時哈密之人久苦兵困甚不能支盡焚其廬舍內徙肅州先是奄克孛木刺并其人亦寄居赤斤守臣并爲之請居苦峪給牛種耕作

九年土魯番復據哈密

十年阿黑麻以絕貢失互市窘乞歸陝巴貢如舊

十二年陝巴還哈密阿黑麻尋死子滿速兒嗣

十七年哈密人逐陝巴以真帖木兒守哈密是年陝巴復還真帖木兒入居甘州

正德元年陝巴卒子拜牙郎嗣滿速兒逐之使其將火只他丁守其地尋復還哈密拜牙郎仍守之

七年眞帖木兒還土魯番

八年拜牙郎棄哈密走降土魯番

十年土魯番復歸哈密

十一年仍奪據之大入爲寇逼肅州城下敗去諸將又追敗之於瓜州滿速兒復詐請和

嘉靖二年入犯甘州撫臣陳九疇敗却之又敗之於肅州時哈密已殘破餘衆千餘人走入塞守臣撫存之歲給耕種

四年曲先叛入牙木蘭附土魯番土魯番仍據哈密犯肅州又入沙州

七年牙木蘭來降

八年土魯番復犯肅州擊走旋又請歸哈密廷議言哈密難守不宜復詹事霍韜力言置哈密者所以離兩部之交外領西域內蔽邊郡不可失也樞臣胡世寧力主棄之時滿速兒入貢遂以哈密來歸然亦竟不能有也

二十五年復爲土魯番阿黑麻所據哈密諸部吉訶忒刺等所耕牧河西仍襲故爵

蓋邊備不修自楊翥議襲以後數十年中無能以一騎踰關而西者使土魯番縱橫坐大殘滅與國爲可憤也其後屬土魯番猶令比歲一貢迄隆慶萬曆間猶入貢不絕然自後首領竟係土魯番回子非復元裔矣自本朝定鼎四夷咸臣哈密回長奉貢於順治年間歸順王化編設佐領是以乾隆年間欽定外藩蒙古回部王公表傳以載其哈密事蹟表傳曰哈密回部在嘉峪關外至京師七千一百八十里東界喀爾喀西界吐魯番南至沙磧北至天山界巴里坤邑十有三曰蘇們哈爾輝曰阿思塔納曰托和齊曰拉卜楚哈曰喀喇都伯曰格子烟墩曰星星硤曰下莫艾曰上莫艾曰塔勒納沁曰半池泉曰柳樹泉曰博囉特口皆哈密屬漢爲伊吾廬地唐宋稱伊州元始稱哈密明如之其地皆纏頭回種今設札薩克領之回人錯居西域以天方爲祖國或城郭處或逐水草徙稱花門種相傳祖瑪哈麻教以事天爲本重殺不食犬豕肉嘗以白布蒙頭故稱曰纏頭回又稱白帽回回人自呼白帽曰達斯塔爾別有紅帽回輝和爾哈拉回諸族然以纏頭回爲著札薩克居哈密舊城戶十設甲長一別置官兵七百屯哈密新城及塔勒納沁以駐防大臣領之順治四年甘肅巡撫張尙奏哈密衛輝和爾都督及赤金蒙古衛都督永柱等明入貢值寇掠敕印羈肅州今赴臣所乞糧願效忠天朝詔納之六年河西逆回丁國棟等煽哈密及吐魯番部掠內地民僞立哈密

巴拜汗子土倫泰爲王據肅州叛集纏頭回紅帽回輝和爾哈拉回漢回等數千分置都督  
 大軍討之抵肅州擊斬哈密頭目塔什蘭及纏頭漢回四百餘級以雲梯夜薄城奪門入斬  
 土倫泰及纏頭漢回二千餘賊壘垣拒禦之擒丁國棟斬哈密僞都督和卓哈資纏頭回僞  
 都督琥伯峰哈拉回僞都督茂什爾瑪密輝和爾僞都督瑯瑚哩僞左都督帖密卜喇紅帽  
 回僞右都督恩克特默等八年回目克拜至嘉峪關稱哈密使請通貢甘肅提督張勇責盡  
 歸內地民乃可十二年克拜齋葉爾羌表至稱哈密巴拜漢爲葉爾羌阿布都喇汗所禁獻  
 內地民請罪詔納之康熙十八年張勇謀噶勒丹襲哈密以聞詔設備邊汛噶勒丹懼不至  
 尋與兄子策妄阿喇布坦修怨策妄阿喇布坦牧博囉塔拉噶勒丹牧阿爾台哈密居其間  
 畏準噶爾威強事之三十二年遣使博囉塔拉道哈密爲噶勒丹屬所戕上以哈密鄰塞境  
 賊乘虛警或不及備詔昭武將軍郎坦屯甘肅會軍所擒纏頭回卒以噶勒丹徒科布多三  
 遣使乞糧哈密告郎坦請勦噶勒丹及哈密遣護軍統領蘇丹等往議尋奏郎坦議大軍屯  
 甘肅噶勒丹必不敢越哈密若聽耕牧久將爲邊患應於年內運糧至嘉峪關來春設站固  
 壘酌留兵哈密以大軍進科布多倫噶勒丹由科布多遁大軍歸哈密取禾平城絕準噶爾  
 所恃產蘇丹等議噶勒丹無定牧大軍趨科布多或不值哈密隸噶勒丹久遠勦之非所以

體好生仁請釋回卒歸給糧騎檄所部知朝廷德意詔如蘇丹等議三十五年噶勒丹爲大軍敗遁集所私議取糧哈密副都統阿南達設哨布隆吉爾巴里坤塔勒納沁都爾博勒津諸路值哈密達爾漢伯克額貝都拉使奉降表至嘉峪關遣告所部曰噶勒丹若竄爾境其擒獻否則以告偷私給噶勒丹糧騎或助之他適爾降表不足信矣噶勒丹以虐哈密故懼襲已且聞大軍嚴備不果赴三十六年哈密俘噶勒丹子色布騰巴勒珠爾及其屬以獻噶勒丹尋自殺額貝都拉表請頒敕印賜旗纛令吐魯番葉爾羌聞之皆知榮矢世保疆圉復以哈密民酌置肅州爲朝覲往來便貢使至肅州令得乘驛入都上念哈密內附誠詔以額貝都拉轄之給札薩克敕印賜紅纛子郭帕伯克率所部百人屯肅州貢使乘驛額十五人三十七年遣官赴哈密編旗隊設管旗章京副管旗章京參佐領驍騎校各員肅州別設佐領一復以哈密市甘肅便詔勿禁三十九年所部偵哈薩克布魯特讐策妄阿喇布坦將與兵爭喀什噶爾以告詔不時偵奏而策妄阿喇布坦憾哈密擒獻噶勒丹子故掠其屬赴市吐魯番者詔責策妄阿喇布坦罪準噶爾怨哈密甚五十四年遣兵二千襲哈密掠北寨五抵城我駐防兵二百率回卒奮擊斬九十級擒三人賊退屯城南聞肅州援至遁頒賜銀萬五千及粟米牛羊贍哈密衆有佐領色柏爾者俘獻準噶爾賊以秋將復襲告獎賜章服銀

幣諭曰哈密編設佐領無異內地安可置之不問遣大軍屯巴里坤防禦準噶爾復詔運糧貯哈密以肅州佐領爲導五十五年富寧安奏哈密屬之布魯爾圖古哩克接壤地并巴里坤都爾博勒津哈拉烏蘇及西吉木達里圖布隆吉爾附近之上浦下浦等處地可耕請募兵興屯上可其奏五十八年奏巴里坤至哈密站舊各設馬準噶爾使及降人至乘巴里坤站馬至哈密又自哈密札薩克所撥馬送布隆吉爾今歸附者衆馬不給請於巴里坤站增馬五十哈密站增馬八十從之六十一年議興屯吐魯番遣哈密回民助役雍正三年撤大軍還四年王大臣等議駐防哈密兵止五百準噶爾賊或乘間盜駝馬請撥安西鎮標兵五百往仍留嘉峪關至哈密軍站備不虞詔如議理藩院奏哈密來朝廩給限四旬參佐領等給緞布有差從之七年大軍復屯巴里坤議墾哈密及塔勒納沁地八年穫麥青稞六千四百石嗣歲給穀種五百石秋納糧四千石每石給銀一兩九年寧遠大將軍岳鍾琪謀哈密屬漏師準噶爾且導掠巴里坤駝馬以告諭曰哈密雖不可信然亦當諒其苦情久遭準噶爾凌虐恨之入骨畏之如虎或偶通信於賊不過爲將來自全計我軍固不可不加意隄防然亦不可使有疑懼心大軍力能庇護哈密哈密自不爲賊所用矣十年噶勒丹策凌遣將色布騰車凌納木札勒等由烏克克嶺西喇呼魯蘇分兵襲哈密及塔勒納沁回衆拒之乞



援岳鍾琪軍鍾琪檄總兵曹勣趨輝魯圖達巴罕五堡復慮賊由摩垓圖爾庫勒竄北山  
檄副將軍石雲倬設伏巴罕溫度爾署鎮海將軍卓鼐設伏察罕春集副將軍常賚赴烏克  
克嶺截賊竄路曹勣軍抵二堡遇賊五千餘奮擊之賊由烏克克嶺越塔呼納呼遁諭曰哈  
密被賊侵擾回民并力抵禦甚屬可嘉聞其城外牧放牲畜一時不及收回者被賊盜去雖  
據報賊遁後仍將牲畜奪回但恐遺失倒斃者已多朕心深爲軫念其遺失牲畜之頭目回  
民等著賞銀萬兩守城禦賊者賞銀五千兩按名分給其擒獲賊人者優加賞賚務令均沾  
恩澤十一年護理寧遠大將軍印務張廣泗奏吐魯番回民內徙請置塔勒納沁地諭曰塔  
勒納沁無屋居回民何以棲身朕思哈密地煖城外五堡等處爲哈密回民舊駐地若將吐  
魯番回民暫行安置過冬令哈密札薩克轉飭本地回民就近照視似爲有益哈密回民果  
能使之得所朕必將札薩克及回民等優加重賞尋議徙吐魯番回民置瓜州十二年所部  
獻可耕地之錯軍營屯田者上以哈密皆國土且爲纏頭回族世耕地不忍別置民人而地  
錯官田不便聽兵民互耕詔別給地畝銀兩及牛具穀種償之十三年徹大軍還王大臣等  
議設駐防哈密及巴里坤兵各二千陝西總督查郎阿奏哈密巴里坤路隔南山大坂兩地  
各留兵二千聲息難驟通請簡兵三千屯哈密西三堡沙棗泉東北塔勒納沁并有城堡各

屯兵千又哈密地熱不便牧馬請令每年播種後酌遣哈密兵千沙棗泉塔勒納沁兵各五百放牧昭莫多呼齊爾台沙子山鹿心山等處設汛烏爾圖哈達伊克溫都爾鄂什希地防牧廠俟秋徹還又哈密南山大坂爲北路屏藩應分兵二百屯盤道設汛鹿心山松樹塘烏蘭特爾木斯畢柳大坂等處烏克嶺爲三堡沙棗泉要隘應分兵二百屯烏克嶺上堡設汛索大堡白楊溝羊堡錫喇諾爾等處塔勒納沁河源爲塔勒納沁小口應分兵二百屯河源小堡設汛莫艾舒魯遜大坂等處別簡兵五千屯赤金靖逆柳溝布隆吉爾橋灣五處設汛馬蓮井子東星星峽西互爲守望從之乾隆元年詔來年免納糧給種地回民銀萬兩六年大學士查郎阿奏哈密駐防兵請屯塔勒納沁賽巴什達哩雅三堡各三百哈密城千二百詔允之七年署川陝總督馬蘭奏塔勒納沁非衝地三堡爲哈密要隘通準噶爾居五堡中請徹塔勒納沁兵三百歸三堡從之十一年安西提督李繩武奏哈密三堡西南錫喇諾爾通魯克沁及關展路舊設汛以乏水草議徹準噶爾或潛越其地請仍設汛兵守望又巴達什地爲哈密札薩克牧廠西北二十餘里爲畢柳大坂路通喀喇沙爾請設汛令烏拉台巴達什聲息相通詔廷議奏錫喇諾爾汛設官兵二回兵三畢柳大坂汛設官兵三回兵二從之十三年以安置肅州金塔寺之吐魯番回衆告飢諭曰肅州金塔寺安置吐魯番

回人有不服水土至生計艱窘者百餘戶經大臣等議奏請徙哈密令種地居此項回衆向被準噶爾凌虐願徙入內地迄今二十餘年因水土異宜積蓄者少窘迫者多若將伊等徙於他處究恐生計有損哈密吐魯番雖部落多殊其教則一情性相宜且哈密貝子玉素卜自伊曾祖額貝都拉達爾漢伯克以來數世受國恩澤竭誠報效奮勉急公教養所屬之人亦甚妥協現在哈密地方尙有可耕餘地著將安置金塔寺回衆交貝子玉素卜併入伊所屬旗分佐領加意撫恤令新舊回衆和睦如一給地耕種俾永久不致失所卽以此諭札薩克貝子玉素卜知之十八年諭曰哈密所屬賽巴什達哩雅等處屯田前給回人耕種所交穀石以四分交官六分給與回人今聞伊等生計稍艱著加恩將每年所獲穀石全行賞給不必交官二十年所部兵百從西路軍征達瓦齊伊犁定徹歸二十一年諭曰哈密生齒日繁準噶爾全部底定哈密屬呂德都摩垓圖古哩克地不必復設汛哨其仍給回民爲世業二十四年議徹駐防兵二千以靖逆衛兵二百瓜州兵三百移置哈密黃墩營兵二百移置塔勒納沁隸哈密副將轄所部旗一爵如之爲郡王品級札薩克多羅貝勒由一等達爾漢晉襲等因表傳載記詳細昭明今道光二十六年哈密城仍欽差辦事大臣一員幫辦大臣一員率副將通判等官辦理事宜而鎮守之



# 哈密志卷之四

## 輿地志二

### 交界地址 附牧廠界

東至星星硤以外之紅土崖接連安西所屬馬蓮井子交界

東南至苦水以外適中接連敦煌縣屬大泉交界

東北路博羅磚井以外至馬蓮井子北面適中接連橋灣交界

大北路至梧桐園以外適中接連橋灣鏡兒泉交界

中北路至蘆杆泉以外適中接連橋灣坡子泉交界

北至東打坂柵門口以外起至沙山東根下直至北大山乾溝石嘴接連巴里坤界

西北由軍台橙槽溝至烏克爾打坂柵門外接連巴里坤所屬肋巴泉界

西南由郭壁至三間房以西之沙坡接連關展界

### 牧廠交界

西至沙山子外接連巴里坤滿營牧馬廠界

東至綠青山外接回子游牧地界

南至黑溝梁外接回子游牧地界

北至西腰泉外接回子游牧地界

哈密志卷之五

輿地志三

卡隘

沁城河源小堡卡隘

沁城廟兒溝卡隘

沁城上莫艾卡隘

南路

喀什布拉卡隘

一碗泉卡隘

三間房卡隘

北路

頭道溝卡隘

截達坡頂卡隘

柳樹溝卡隘

葫蘆溝卡隘

南山口卡隘

柵門口卡隘

三道溝卡隘

胡吉爾泰卡隘

鹽池卡隘

土古魯卡隘

葦子碛卡隘

推車溝卡隘

鹹水碛卡隘



# 哈密志卷之六

## 輿地志四

### 疆域

哈密古伊吾廬地東至肅州一千五百九十里至京師七千一百八十里南抵沙州西接吐魯番東接喀爾喀蒙古部落南臨瀚海北連烏里雅蘇台蒙古游牧地界哈密地勢東西寫南北縮南北相去三百二十五里東西相去七百八十里

東界自城至星星硤界牌共五百五十五里自哈密城東行七十里至黃蘆崗東行轉東南四十里至四十里井子又行三十里至長流水又行二十里至滴水崖井子又行二十里至沙梁子又行三十里至格子烟墩又行二十五里至紅山嘴又行十五里至紅山子又行二十里至天生墩又行四十里至大石塊其上刻東西南北路程里數又行四十里至苦水又行五十里至脰賂井子又行三十里至沙泉子又行四十里至小紅柳園又行二十里至星星硤山口入口又行二十五里至石山坡子過坡又行五里至星星硤台向東又行三十五里至交界牌東爲安西州界

東南界自城屬哈什布拉卡子共三百一十里至大泉接沙州界

南界瀚海一百三十里自哈密城東門行三十里至火燒莊子又行四十里至哈拉塘子又行四十里至南湖又南行二十里至瀚海邊

西南界至三間房西七十里沙坡子共五百一十里自哈密西門行七十里至頭堡又行二十里至二堡又行四十里至三堡又行二十里至柳樹泉又行三十里至沙棗泉又行二十里至鴨子泉又行四十里至梯子泉又四十里至瞭墩分岔路向西南走七十里至梧桐窩子又行九十里至三間房又行七十里至沙崗子有石界牌西南爲吐魯番界

西界至芨芨槽子卡共四百里自城西行七十里至頭堡又行二十里至二堡又行四十里至三堡又行二十里至柳樹泉又行三十里至沙棗泉又行二十里至鴨子泉又行四十里至梯子泉又四十里至瞭墩向西行八十里至一碗泉又行四十里至芨芨槽子乃小路今則禁止不准人走

西北界至肋巴泉界鄂博處共三百六十里自哈密西門行七十里至頭堡又行二十里至二堡又行四十里至三堡又行二十里至柳樹泉又行三十里至沙棗泉又行二十里至鴨子泉又行四十里至梯子泉又四十里至瞭墩轉北七十里至橙槽溝又十里至鄂博處爲

界再西北二十里至巴里坤所屬肋巴泉

北界上天山至柵門口界牌一百九十五里自哈密城東門行二十里至糜地頭地方又行三十里至三道潦壩又行三十里至黑帳房地方又行二十里至長山子地方又行二十里至南山口進山口上山行六里至煥彩溝又行四里至石城子又轉上坡路五里至小羊圈溝又向上十五里至大羊圈溝又行十里至菩薩溝又上五里至天山頂下坡七十二轉拐灣行二十里下至二層台仍下坡路又行五里至柵門口再行五里至界牌西巴里坤宜禾縣界

東北界至沁城東山共二百七十里自哈密城東行三十里至泥丘墩又二十五里至一棵樹又十五里至黃蘆崗東去七十里至大鷄脖子又二十里轉灣子又東二十里至鹹泉子又東三十里至回莊子再東行六十里至沁城東山河源小堡



# 哈密志卷之七

## 輿地志五

### 形勢

哈密城北倚天山南界瀚海西臨吐魯番東接安西州甘肅咽喉嘉關鎖鑰

城建平川北東西三面山環南恃瀚海乏水草爲限北倚天山高峻險爲障上接鹽池山與巴里坤聲援猶可相及西有梧桐谷扼回疆之隘塞要害東據安西之聯絡相接信夫彈丸之域而有金湯之固也

東漢明帝取其地置宜禾都尉以屯田竇固班超大破西域始築城於此班勇爲西域長史居此地也

明帝永平十六年竇固破匈奴呼延王於天山留兵屯伊吾廬

東漢和帝永元四年中郎將任尙屯伊吾

東漢順帝永建四年以伊吾膏腴地旁近西域匈奴資之爲鈔暴乃復開設屯田置伊吾司馬東漢桓帝和平初北匈奴呼衍王攻伊吾屯城詔敦煌太守馬達將兵救之至蒲類海寇

引去唐玄宗開元中置天山軍於州城內屬北庭節度使天寶中改曰伊吾郡

魏永初柔然佗汗可汗與高車戰軍於伊吾北山會高昌王麴嘉求內徙於魏魏將孟威將涼州兵迎之至伊吾佗汗驚遁爲高車所襲殺之隋大業七年突厥處羅可汗爲部長射匱所襲敗棄妻子東走寓於高昌東保折羅漫山卽天山因入朝於隋其後歷宋元明屢有更據其地者回鶻自相殘殺也自本朝以來哈密回部歸順已久數建勳猷恭順效力今國家一統四夷咸服防禦無庸況當太平盛世烽烟永靖雞犬無驚雖有天限天險皆爲游眺觀玩而已然申明郊圻慎固封守而城池形勝亦守土者之所當知也

按天山爲天險瀚海爲天限自然足可防守而梧桐谷西通吐魯番之孔道哈拉塘子西南通和闐之捷徑哈什布拉卡子東南通沙州迤東野番境東北通喀爾喀蒙古而正北通烏里雅蘇台蒙古游牧地此五路乃爲哈密城之要害從前乾隆年間皆有官兵卡倫防守今則皆撤去矣僅派兵丁防守而守斯土者其防守之要不可不亟講求也

# 哈密志卷之八

## 輿地志六

### 山嶺

拘密嶺一名白山子在哈密西距城五百餘里

烏克爾嶺距哈密城四百餘里

天山一名折羅漫山距哈密城一百二十里

碧綠山距哈密城二百里

平頂山距哈密城一百六十里

雪蓮坪距哈密城二百五十里

大雪山距哈密城一百九十里

艾爾古木山距哈密城二百六十五里

黑溝山距哈密城二百九十五里

巴達什山距哈密城三十里

石鐘山距哈密城二百五十里

廟兒溝山距哈密城二百七十五里

天生圈山距哈密城三百里

哈密辦事大臣薩湘林咏天山詩曰天山五月雪猶寒款段徐行繞曲欄花草精神塵外長  
 峰巒氣勢畫中看松林密布千千樹石道重廻六六盤絕頂登臨皆俯視飛泉聲出白雲端  
 袁玉堂咏天山絕句云伊吾西北月氏東一嶺摩天氣象雄三十六盤登絕頂始知身已出  
 雲中

哈密廳幕友姚雨春咏哈密東廟兒溝詩云廟兒溝古野雲殷春暮踏春青一灣萬里星河  
 橫北磧四圍屏嶂列南山部分白帽風流遠

哈密回部白帽部落見哈密表傳

翠曳紅裙歌舞嫺松樹塘

深松茂甚好聽鳴鶴嘎雲間

哈密松樹塘

瓜州司法參軍河內司馬太真立碑文曰昔匈奴不滅竇將軍勒燕山之功閩越未清馬伏  
 波樹銅柱之邊然則振英風於絕域申壯節於異方莫不垂懋績於千秋播芳猷於萬古者  
 矣大唐德合二儀道高五帝握金鏡以朝萬國調玉燭以馭兆民濟濟衣冠煌煌禮樂車書  
 順軌扶桑之表俱同治化所洽濛汜之鄉咸暨苑天山而池瀚海內北戶以靜幽都莫不解



辮髮於橐街改左衽於夷陋高昌國者乃是西漢屯田之壁遺兵之所有麴文泰卽其苗裔也往因晉室多難羣雄競馳中原之主邊隅遂隔間屈戎狄竊多拔王磨洞至今靡遺聲教自皇威遠被稽顙來庭雖沐仁風情懷首鼠杜遠方之職貢阻重譯之往來肆豺狼之心起蜂蠆之毒若彼黎庶賊殺無已聖上懲彼蒼生申茲弔伐乃詔使持節光祿大夫吏部尙書上柱國陳國公侯君集交河道行軍大總管副總管左屯衛大將軍上柱國永安郡開國公薛萬均副總管左屯衛將軍上柱國通川縣開國男姜行本等爰整三軍張行天罰但妖氣未殄將軍逞七縱之威百雉作固英奇申九攻之略以通川公深謀間出妙思縱橫命飭前軍營造攻具乃統沙州刺史上柱國望都縣開國侯劉德敏右監門中郎將上柱國淮安縣開國公衡智錫左屯衛中郎將上柱國富陽縣開國伯屈昉左武侯郎將李海岸前開州刺史時德衡右監門府長史王進威等並率驍雄鼓行而進以貞觀十四年五月十日師次伊吾折羅漫山北登黑紺嶺未盈旬月尅成奇功伐木則山林殫盡叱咤則川谷蕩薄衝梯蹙整百鬪冰碎機槍一發千石雲飛墨翟之拒無施公輸之妙詎比大總管運籌帷幄以中軍鐵騎巨原野金鼓動天地高旗蔽日月長戟撥風雲自秦漢出師未有如斯之盛也班定遠之通西域故迹罕存鄭都護之滅車師空聞前史雄圖世著彼獨何人乃勒石紀功傳諸

不朽其詞曰我昭赫大唐受天明命化濟得一功無爭競荒服猶阻夷居不定乃拜將軍殄  
茲梟鏡其一六奇勤思羣雄逞力陣開龍騰營設虎踞氣遮星光旗明日色揚旌塞表振威西  
極其二峨峨峻嶺眇眇平原塞雲暝結胡風晝昏經年凝冰長紀落雪高樹岑巔銘功讚德大  
唐貞觀十四年歲次庚子閏六月丁卯朔廿五日辛卯立

天山碑文上額書三字一行曰大唐左屯衛將軍姜行本勒石之紀文前銜又曰交河道行  
軍總管右驍衛將軍上柱國派吳仁領右軍十五萬交河道行軍總管右武衛將軍上柱國  
既械縣開國公牛進達領兵十五萬

辦事大臣務菴成書咏廟兒溝道中詩云回驂南下土門溝宿雨初晴景倍幽夕日漸看遮  
樹外殘雲依舊斂峯頭高墳峻岌插危漢山頂有漢回掌古佛莊嚴俯碧流大佛寺前笑我

棲遲空半載山川奇絕未經游

哈密生員張葆齋咏葫蘆溝詩云溝邊策馬景偏奇一帶清流綠影差乳鴨飛來浮上水良  
禽喚處落芳枝綠馥馥花隨路轉徑陰陰柳拂籬無限風光真可賞幽人雅致對吟詩  
又有咏上天山詩曰山道層巒水道牽一橋過罷一橋連登峰近接三台域陟嶺遙開萬里  
天玉岫銀花梅映色蒼松古柏鶴高眠凌空恍得青雲路回頭悠悠覺自然

又有咏天山松雪詩云松雪相依聳峻嶺松青雪白兩新鮮雪飛嶺上添松態松長山頭映  
雪妍雪壓青松愈秀松含白雪雪悠然天山松雪何時謝雪積千秋松萬年



# 哈密志卷之九

輿地志七

## 川泉

哈密城東北二百四十里至塔爾納沁城東北山口曰暗門子山溝水南流至河源小堡山口水由東來會爲一仍向南流至廟兒溝頭二三工屯東屯田麥地資其灌溉其西屯田地均賴沁城周圍大小十七泉并潦水灌溉

哈密城東北榆樹溝山口內至艾底爾回莊轉路至東南臨大雪山西南角下謂之雪蓮坪大雪山水並北黑溝水轉流入池曰水亭大海子又有正東艾爾古木山水會流均從榆樹溝山口流出最旺向東南流入東郭壁立有攔水壩以收水勢又在山口西旁建閘開渠引水灌溉東新莊屯田

哈密城北板房溝老龍窩烟洞閘水其源亦出大雪山由北會黑溝水由板房溝流出下流曲折至中間分二支一支東流入蔡把什湖灌溉屯田仍復歸至哈密城東沼河城東有聚水壩激水掘小渠引入哈密城中曲折流轉又由東南城下流出仍入沼河

哈密城北天山南山水流至黑帳房不見入地中流行至西新莊南坡下復從地中出名曰坡頭腦泉水南流至草湖而草湖中百泉湧出水勢愈大過草湖出南流名蘇巴什河設立激水壩分左右流一支南流營中官水磨三處資其水力又南流過哈密城西歸入南湖一支西流上壩坡轉流至孔雀園又引入回城南出亦歸入南湖又東分一支灌溉貢瓜地哈密城西白羊河水源出北天山南山西旁相連山頭道溝二道溝三道溝山水亦係大雪山并黑溝水分流南下西南爲白羊河古名合羅川也

大泉腦在蔡把什湖東四五里從地中湧出大泉水色澄清南流至回子滾白兒園子由園中出南流回民資其灌溉仍歸於南湖

熱水泉在蔡把什湖東南

長流水泉距哈密城東一百四十里在街北巷內水南流

鹹泉子距哈密城東一百八十里在大路南

黃蘆崗有大泉一泓可灌溉瓜田地距城七十里

烏拉泉距哈密城一百里二堡迤西大路北旁

柳樹泉距哈密城西一百五十里在大路北

沙棗泉距哈密城西一百八十里在大路北旁高坡上

鴨子泉距哈密城西二百里在大路坡上

梯子泉距哈密城西南二百五十里在大路北

一碗泉距哈密城西北三百二十里在大路南

鎮西府知府色桐崑因委查哈密新屯水源開渠入山題詩四首雪蓮坪詩云羣山嶒峨嶺

西東山勢崢嶸形不同撲面輕颺秋夕裏凝眸積雪臘辰中靈泉波浪疑通海峽水濼洄若

掛空往日狂流歸野潦於今畎畝羨施功水亭詩云山中宜水水宜亭水湧山頭若建瓴年

久溜穿三峽石夜深光碎一天星氣連銀漢形分白痕入蒼烟界破青我愛泉聲清不寐氈

廬伏枕耐心聽艾底爾回莊詩云幾處回莊隔短藩深山始信有桃源兩行弱柳迎幽客一

帶清溪抱碧園流水縱橫頻欲枕愛此泉流下駒臥於岸側與猶不足真欲枕之方快野花寂寞總無言濃陰夏日欣

游此車馬由他世外喧榆樹溝詩云催騎幾折出深山入耳泉聲響尚潺新樹漸增垂兩岸

故渠初濬帶雙灣舊渠不足灌溉擬接開新渠故云桑麻自此周原野沙漠於今列闌闌夷漢皆趨畎畝事

雖然絕塞樂安閒

哈密廳幕友姚雨春咏東新莊屯田從榆樹溝開渠詩曰榆樹渠頭水濺濺膏腴萬頃作良

田是歲新開墾緣堤種樹紅流急就地成渠綠蔭連

新議開渠非種樹萬株堤不能固塞渠其式也

俗雜侏僂言語異商賈

與色目人交易率習梵語每

城臨沙漠燠寒偏

冬極寒夏極暑

遙知風化熙朝遠直看崑崙萬里天

哈密廳幕友姚雨春咏塔爾沁詩曰驛路迢迢出沁城烽烟嬾認雲橫天開塞北三千

界郡距安西九百程

安西之西九百餘里即今哈密城

鷓鴣盤空思狡兔鳳凰台古聽流鶯關心祇有屯田

所百萬軍儲衛此生

哈密辦事大臣務菴成書咏沁城詩云東屯風景亦全諳怪石驚沙百不堪楊柳數株泉一

道沁城已是小江南剗瓜打餅過中秋郎去屯田妾獨流請得蘭州白氍毹速拜香同上廟兒

溝

又有咏蔡湖屯田詩云早耕晚穫看農忙一熟須教謝兩荒蔡把什湖四千畝三秋麥豆始

登場荷鋤開渠四月天不須好雨潤芳田真陽消盡陰山雪頃刻飛來百道泉

又有東行巡屯詩四首其一云經年困道路此日復東行為校軍臺政來巡屯籍氓秋風吹

曠野夕照下邊城萬里逢搖落憑高無限情其二云驅車臨沙磧殘月尙朦朧九夏祁連雪

凌晨閩闔風疎楊垂弱縷野卉弄輕紅塞上悲秋客淒涼孰與同其三云路轉青山口濃陰

送野涼塞雲飛漠漠烟樹鬱蒼蒼廢堠荆榛裏孤村清澗傍午晴時極目空羨雁南翔其四



云漸近沁城路公田次第看雪深知歲稔霜早怯秋寒屯戍爭趨接邊防愧撫安西成真有象多稼已場攢



# 哈密志卷之十

輿地志八

## 橋梁

東哨門外南行半里至

迎思橋向東南一里半至

太平橋二里轉東至

沼河橋過橋又東行一里至

長春橋

北關外北過教場四里至

豐裕橋 通秦湖屯田路

西哨門內有

水關橋

西哨門外西行一里至

聯絡橋

一名鷲橋

哈密西門外

通回路城

承恩橋

在回城西

向化橋

在回城西

長虹橋

跨合羅川今名大白羊河在三堡

烟洞溝閘上跨水

碧流橋

塔爾納沁城外一橋名

泓泉橋

進南山口上山山溝跨山水頭道名曰

廣濟橋二道名曰

廣利橋三道名曰

冲雲橋四道名曰

二天橋五道名曰

一天橋至天山頂

# 哈密志卷之十一

## 輿地志九

### 鄉莊

東關鄉 西關鄉 北關鄉 西回王城 蔡把什湖莊 東台莊 東新莊 東回莊  
黃蘆崗莊 烏拉台莊 磨房溝莊 沁城南莊 西莊 北莊 芨芨台莊 長流水莊  
烟墩莊 苦水莊 沙泉子莊 星星碛莊 西新莊 頭堡 二堡 三堡 四堡  
五堡 沙棗泉 鴨子泉 瞭墩 梧桐窩 三間房 南山口 石城子 羊圈溝 南  
湖莊

### 格子烟墩泉水碑文

西塞沙漠荒遠古稱絕域凡行軍運馬每以缺水爲慮其白墩子至格子烟墩八站均屬郭  
壁雖有一二水泉鹹而微細康熙年間富將軍設防雍正七年岳元戎進兵暨以後之征防  
官軍屢次挑挖未得涓滴馬至二三百匹卽不能足飲爭擠吞砂每多傷斃我皇上德威遐  
敷遠邁千古乾隆丙子歲平定伊犁羣酋稽首輸誠獨阿逆等負叛逃竄是以丁丑春復有

申罪致討之役兵行甚急戰騎首要閣督憲黃公勞心焦思籌辦壯馬三萬良驥具備惟慮  
長途乏水遲悞奏明委余親詣查辦余受皇恩代庖燉煌當茲軍興重務惟有竭盡心力督  
挑躡挖不惟處處得水抑且反苦爲甘曩飲二三百牲畜不敷者今飲二三千人馬綽然有  
裕更可奇者格子烟墩地形高阜砂磧乾燥此番鑿井得泉水自石坂底孔穴中湧出深六  
尺許清澈暢盛滔滔博濟將弁兵民咸以爲奇此皆聖主洪福閣督憲忠誠感格在事官軍  
勤力實心故神祇效靈助國滅逆旣昭彰顯之德宜隆崇祀之誠於是耑員鳩工建修龍王  
廟三楹用答神庥余寡學不文略述端委以誌其盛云爾太子太保武英殿大學士兼吏部  
尙書兵部尙書兼都察院右都御史總督陝甘等處地方軍務兼理糧餉世襲雲騎尉紀錄  
九次黃廷桂賜進士第御前侍衛署理安西提督印務調遣甘涼肅等處戰兵總統哈密防  
務西寧總兵官加一級紀錄一次軍功加三等劉順署理統領駐防哈密官兵總兵官印務  
沙州協副將帶世襲二等子加一級紀錄三次祖雲龍駐防哈密管辦檔房事務安西提標  
左營游擊加一級軍功紀錄一次錢璽乾隆二十一年歲次丁丑秋七月吉日宛平劉順敬  
題勒石

# 哈密志卷之十二

## 輿地志十

### 古蹟

天山碑在天山頂唐時姜行本征高昌國功戴立碑

石鐘山沁城東南連廟兒溝山其山上有巨石以碎石擊之而山下聞鐘聲

星星石哈密東門外迤南有大石從天而降其上有方印跡

天生墩自古沙土聚如方墩

九龍樹多年古柳在回城內一根生九樹接連青蔥豐茂

石佛寺在天山北石佛高六尺天生成者在大路因哈密官兵等敬禮之修祠立廟甚著靈

應石營盤唐時戍兵立石樁石圍牆在北山上

鼈蓋梁在天生墩東沙土生成其形宛如鼈首尾俱全

鳳凰台在哈密城西北天生高土坡被水削刷遠望其形宛然方台

合羅川在三堡今日白羊河唐時回鶻公主城垣跡址存焉

哈密廳幕友楊泉山咏九龍樹詩曰伊州寄柳在宛作畫圖看華蓋濃遮日虬枝老耐寒風  
梳鱗甲竦泉溜淖泥蟠細摹連理曲一折一龍盤

敦煌縣令許乃毅題九龍樹文曰伊吾城滾白寺紅柳千年誰位置火龍得氣欲拏雲金蛇  
作勢先蟠地孤根劈破臙蒼皮皮開迸出輪囷枝枝分四兮幹分九忽伏忽起爭離奇枝枝  
珊瑚撐葉葉翡翠垂捫之鱗甲赤雪從全身白一生夢不到樓臺百弓地只鄰阡陌可有少  
婦紅泊彈那得文人青眼看竟使奇才沙磧老樹方蒼莽悲穹昊豈知傑士成大功半在龍  
沙絕域中衛霍庸勳書竹帛韓范高名爭華嵩歷書冰霜神骨清不經憂患何曲生柳乎龍  
乎吾語爾莫因坎壈鳴不平會須騰挪天上行灑雨潤澤千夫耕

哈密廳幕友姚雨春咏合羅川詩曰水蠶浴雨蝶飛烟碎葉城高插木綿哈密有碎葉城古西域地有野

蓋樓於水草公主祠荒回鶻窟居民牧近合羅川合羅川在哈密城西乃唐回鶻公主所居城址猶存千重東嶺雲間畫一

片南湖樹裏烟哈密南湖地名南湖最是魚鱗披戶冊東屯西聚夜高眠



# 哈密志卷之十三

## 輿地志十一

### 哈密城池

土城建於雍正五年周圍一里八分零高二丈四尺六寸東西北三門城樓各一座雍正五年北門外添築圍牆一道長一百六十七丈三尺高一丈二尺厚五尺以爲貯糧之所東西關廂連城共周圍四里二分乾隆二十五年糧城內建蓋兵房四百間以資移駐官兵眷口居住東關廂有南北二哨門西關廂南北二哨門

辦事大臣薩湘林咏哈密詩曰雄鎮天山第一城久儲糧餉設屯營路從此地分南北官出斯塗合送迎車馬軍台時轉運商民戈壁日長征瓜田萬頃期瓜代好向伊吾咏太平

哈密廳幕友姚雨春題哈密詩曰灣灣明月掛城頭玩月隨登鎮遠樓鎮遠薩湘林題萬笏青

山圍哈密一天白雪唱伊州唐天寶間宮中製有伊涼甘諸州名曲俱以邊地譜鼓吹音調凄楚不忍卒聽後祿山亂諸州陷于吐蕃聲音通政信然烽

烟滿目準夷滅康熙雍正間我朝滅準噶爾夷始開新張二萬餘里雲樹傷心葉護愁唐郭子儀借回乾葉護兵破詠山色目人始入中國即今哈密

種剩有西橋鳴咽水波聲悽帶夕陽秋哈密東西兩河人呼東河灘西河灘

哈密廳幕友楊泉山題哈密詩曰興來乘月上城頭傑閣榜題鎮遠樓雪積天山摩峻嶺風高瀚海古伊州玉門關路通西域回紇台墩傍碧流聖世安邊開萬里年年瓜貢渡蘆溝

哈密協科劉稿公因兵城門樓成僉議供魁星擬作門樓文云兵城城門樓成高五丈許南北深三間東西寬一楹爲樓三層塗丹飾碧洵足壯觀矣僉議中層肖魁星像以佑啓人文神座宜何向不能卽決此所以必須再議也按厥地勢樓居兵城之南大城之北合方圓計之却係正中樓前渠水環流樹木茂密景致頗佳樓後卽屬吾民房舍城外則沙漠雪山倫使北向便與山峯相對眼界亦覺不寬南方屬離有文明之象況樹裏南湖人烟稠密南向與風景宜亦與人心合與人心合必定神心喜則慧光照處默佑書香瞻文光于北斗起大鯤于南溟量才點額皆異日事也擬議如斯謹繪圖樣並具議單以聞

# 哈密志卷之十四

## 輿地志十二

### 街巷

哈密城內東西大街一道地勢平坦武廟建於正中南有馬槽巷轉西有觀音閣馬王祠武廟後北進兵城城內直街東西巷四道正中七聖宮北門樓卽魁星樓上層玉皇閣城內均係哈密眷兵居住東有公庫西有營庫

東街街北有巷一道巷口有節婦王氏一坊係嘉慶年間建立並有營倉再北爲監獄東門內街南萬壽宮西旁有巷直至南向北文昌宮

東門外直街一道向南出東南哨門直達回子地向北直上謂之大街街右旁藥王廟左旁清真寺再北出東北哨門內外有鋪戶

北哨門外直街人烟輻輳店鋪繁多往來行人棲住此地轉北向東街巷一道俗名花果山回民環住向北有火神樓左旁呂祖樓再北有教軍場係營中操演兵丁之所向西轉達兵民塚墓地

西城內正街有南北巷二道房屋俱兵等居住西城門外靠城有南北巷中亦係兵民雜處向西轉南有清真寺再南過橋出西南哨門接回王子城向西北直上謂之大街街旁有無量廟再北行西北哨門內均有鋪戶居民之家

西北哨門東西街一道俗名軍台巷西北哨門外有城隍廟仙姑廟又有羅真廟財神樓再北直達兵民塚墓地

# 哈密志卷之十五

## 輿地志十三

### 祠宇

帝君廟正殿三間左右廊房各三間對面有戲樓一座

粵稽自古迄今天地之所以覆載日月之所以照臨華嶽之所以鎮峙河海之所以流行者何莫非宇宙間之正氣凝貫於其中發揚於其外以垂之悠久而不朽哉帝君生漢末顛頽之際當奸雄遽起之時獨與桓侯元事昭烈皇帝誓以共死同扶漢室此立心何其正也操拔下邳使張遼說降帝君表三約以明志及斬顏良於萬衆之中解圍報操遂封賜辭奔此去就何其正也後鎮荊州計攻樊城誅龐德降于禁 威震華夏操議徙都以避此討賊何其正也詎意孫權助逆呂陸舞智糜傳降賊以致麥城被困千秋同恨萬古流芳此報國何其正也自後漢至今已千有四百餘歲矣智愚胥服俎豆常新我聖朝屢隆典禮更極尊崇嗚呼帝君至德至聖實秉乾坤正氣與天地之覆載日月之照臨華嶽之鎮峙江海之流行並垂於不朽也格於丁未冬奉檄來茲撫理彝情以來見天回彝效順商賈駢臻烽烟永靖

士馬咸安熙皞之風無殊華夏仰見聖天子之文德武功覃敷異域然冥冥中猶賴帝君默佑耳己酉二月春祀之辰同事僚屬及兵民等僉議因舊建廟宇措貲修葺更塑聖像以隆瞻仰羣屬爲文以誌之格謹齋沐而爲之記云大清雍正七年歲次己酉仲秋赫格等公立

左旁龍王廟一間

右旁土地廟一間乾隆十五年建修

文昌宮於嘉慶八年建修正殿三間左右廂房各三間

牛王廟

馬王廟

係三官會設立

火神廟正殿三間左右廊房各三間對面有燈山樓一座

立廟以祀神也亦以壯觀也何謂祀陳俎設豆焚香秉燭以告虔也何祀乎火神蓋火者離之名也離者麗之義也推之造化人物莫不各有所麗仰而在上有日月焉則成家於天而麗乎天俯而在下有百穀草木焉則成形於地而麗乎地至若人倫日用莫不皆然而均以常明之德麗焉則同心同德各安其所而天下以文明矣此所以祀之也夫伊吾之有廟以

祀之也由來久矣其重建奈何蓋以火神者文炳文蔚之極者也而廟基窄狹廟貌黻舊殊非所以安神也闔邑商賈咸願各出囊金以闢大其基崇高其貌奈大殿之左山門以前皆爲官廳兵房所限有意焉而未敢擅動也我郡伯志在好民之好惡民之惡詩所謂民之父母者此也一聞斯舉遂忻然謂鄉約會首諸人曰是固宜謀所以闢大而崇高之也雖然官廳兵房事關營伍非請於哈密辦事大臣不可斯時哈密辦事大臣雙永總攝軍民一視同仁無問貴賤厥愛唯均因有請而知其事曰是固宜闢大而崇高之也如此然後敢動重建之舉也爰是各路募化共得二千四百餘金會首等總理分任庀材鳩工經營躋躅曲畫周詳期年餘而大功落成焉第見規模廣大氣象森嚴前之所不足者補之昔之所未有者增之其壯觀爲何如乎故曰立廟以祀神也亦以壯觀也爰溯厥功起自三十五年三月間落成於三十六年六月中竣工之日首事者屬余爲文固辭不得因卽其事之始末以誌之云是爲記大清乾隆三十七年仲呂月上浣穀旦立

萬壽宮於道光十三年建修正殿五間左右朝房各一間

兵城門樓係魁星樓三層各一間廂房一大間於嘉慶二十二年建修

兵城內北

馬王廟

藥王廟

娘娘廟正殿三間左右廂房各二間對面有牌坊一座

娘娘廟碑記

哈密爲伊吾古郡本朝康熙年間派兵戍守修築新城向無寺廟迨至雍正八年添建糧城以爲儲備軍糈之所乾隆初年平定準夷軍務告竣時將糧移貯南倉此城留爲防營養馬之廄隨經各營提鎮官兵捐資於北面城上修建馬神小廟二十六年改設營制議蓋兵眷房舍又捐資於正殿兩旁添建子孫聖母藥王山神土地祠大清乾隆四十二年丁酉秋八月己酉日立

東門外

藥王正殿三間左右廂房各一間康熙年間舊有於乾隆十九年建修

呂祖樓二層三間一層五間一層左右廂房各三間於道光二十六年七月十五日建修

火神樓二層各三間於嘉慶二十四年建修

東清真寺於乾隆五年建修正房五間內有萬壽閣一座



西門外

無量廟於乾隆二十四年建修正殿三間左右廊房各三間對面有戲樓一座

羅祖廟於乾隆三十八年建修正殿三間左右廂房各二間

城隍廟大殿三間左右廂房各五間對面戲樓一座於乾隆四十三年創建

城隍廟石碑文曰

尊神姓氏誕期無考是年十一月初三日求呂祖乩示尊神姓紀諱孟寧年五十九歲三月初五日酉時生係陝西西安府同州人明朝成化初曾任直隸通州知州復經哈密辦事大臣佛諱德劄致陝西藩憲富諱綱在於原籍查考宗派實蹟乃於四十四年二月初四日尊神聖誕前一日接到藩憲覆書內云通飭各屬據州府稟據蒲城縣稟稱查縣屬白露村有紀姓一族明時曾有紀諱爲美者於正德年間歷官盧龍衛尊神諱孟寧者卽爲美二弟爲政之子尊神高祖諱鐸曾祖諱文瑞祖父諱周祖母高氏父諱爲政母劉氏載之宗圖石勒確鑿可考並將紀氏宗圖墓誌墨刻二張送來以徵誠信特此普告十方闔郡務各敬謹瞻仰供奉以彰靈應顯赫淅目覩哈密廟柱懸掛木牌註錄姓氏惟恐久而就湮虔誠發願誌錄以垂不朽云爾

觀音地藏菩薩正殿三間左右廂房各五間於嘉慶十二年建修  
孫祖廟於嘉慶十八年建修正房一間

西清真寺於乾隆十九年建修正房三間左廂房四大間

財神樓二層各三間左廂房一大間於道光二十五年建修

五涼社於道光二年建修

蔡把什湖屯田處

聖賢廟 距哈密城十里

風神廟 距哈密城十里

蔡湖東台

聖賢廟 距哈密城十三里

娘娘廟 距哈密城十三里

烟洞闡

龍王廟 距哈密城二十五里

天山頂

聖賢廟 距哈密城一百六十五里

天山北

石佛寺 距哈密城一百九十里

塔爾納沁城廟兒溝山上

聖賢廟 距哈密城二百六十里

大佛寺 距哈密城二百一十里

觀音山菩薩廟 距哈密城二百四十里

沁城東

聖賢廟 距哈密城二百四十里

財神廟 距哈密城二百四十里

娘娘廟 距哈密城二百五十里

沁城內

老君廟 距哈密城二百四十里

黃蘆崗

聖賢廟 距哈密城七十里

娘娘廟 距哈密城七十里

長流水

聖賢廟 距哈密城一百四十里

龍王廟 距哈密城一百四十里

烟墩

聖賢廟 距哈密城二百一十里

苦水

聖賢廟 距哈密城三百五十里

沙泉子

聖賢廟 距哈密城四百三十里

星星碛山坡

聖賢廟 距哈密城五百三十里

山頂上

觀音廟 距哈密城五百五十里

頭堡

聖賢廟 距哈密城八十里

二堡

聖賢廟 距哈密城一百里

三堡

聖賢廟 距哈密城一百四十里

沙棗泉

聖賢廟 距哈密城一百九十里

清真寺

瞭墩

聖賢廟 距哈密城二百九十里



# 哈密志卷之十六

## 輿地志十四

### 公署

#### 欽差辦事大臣公署

東西轅門左右鼓手樓大門外左右東西配房各三間大門三間東馬號一處房三間馬王  
 祠一間馬棚不算西印房一處內公所房十六間二門三間東旗牌房三間西三間幫辦大人宅  
 大門大堂五間分左右套房兩間二堂五間分左右套房各一間東西廂各三間儀門正房  
 五間左右耳房各一間左右東西廂房各三間後花園一處內亭子一座共房七十間

#### 幫辦大臣公署

大門三間二堂三間正房三間東耳門二間西廂房三間配房二間西馬號一處房三間後  
 花園一處內亭子一座書房二間共房二十一間大堂左建立修葺初建碑文曰

#### 建安西道署記

安西道舊駐安西轄安西同知靖逆通判暨安西沙州柳溝靖逆赤金五衛我皇上德被遠

播越伊吾而西拓地二萬餘里太和翔洽民居日稠不可無大員以資統率乾隆二十四年七月陝甘總督奏准安西道移駐哈密添設安西府駐沙州安西同知改駐巴里坤靖逆通判改駐哈密五衛改設燉煌玉門淵泉三縣其新疆之烏魯木齊設有同知通判等官亦俱統屬焉哈密古伊吾地也監司所轄自東徂西迢遞三千餘里哈密界東西之中路當衝要欽差辦事大臣滿漢官兵及各回部伯克人等輪班入覲絡繹於道歷任移駐以來尙未暇謀建官舍鑿於乾隆二十九年七月恭膺簡命辱承茲乏慮無以肅觀瞻而崇體統循例詳請建署制府中堂楊公爲請於朝發帑金以營之時駐哈大人長白元璣兩公往來指示別駕志君相爲助理遂於乾隆三十年三月興工凡八閱月至十月工竣鑿不敏猥以經營創始爰紀顛末並志歲時至若撫茲民社兢兢業業所以仰承聖天子懷遠之德意而無負斯堂者方來賢哲允升於大猷余實滋愧也已乾隆三十年歲次乙酉孟冬海虞錢鑿識并書後於乾隆三十三年哈密廳通判請作爲欽差辦事大臣衙署

回務章京主事公所

大門一間辦事房三間配房左右各一間檔案庫房二間後正住房三間廚房一間

筆帖式住房三間



委筆帖式住房每名二間共六名共房十二間

哈密廳公署

東西轅門大門三間內左右配房各一間二門三間大堂五間東銀庫西看堂官役房東廂房五間西廂房五間屏門一道內二堂五間左院房六間廚房三間正儀門內正房五間左耳房二間右耳房一間東廂房三間西廂房三間正房後有倉房六間共房五十七間係乾隆二十九年建

巡檢公署

大門一間左配房二間右配房二間大堂三間東廂房三間西廂房三間儀門正房三間東廂房二間西廂房二間旁監獄一所係乾隆三十年建

副將公署

東西轅門大門三間大堂三間東廂房五間西廂房五間科房十間馬房八間二堂二間東廂房三間西廂房三間東穿堂至書房三間東廂房三間廚房二間西小門內園子正前廳三間看園人房一間儀門內正房三間勾連搭房三間東院內書房三間共房六十五間係雍正五年建

都司公署

大門一間左房三間右房三間大堂三間儀門內西正房五間左配房二間右配房二間大堂旁左右房十間南面科房十間共房三十九間係雍正五年建  
其千把等官俱自修房間居住並無公所

# 哈密志卷之十七

## 輿地志十五

### 風俗

哈密僻處關外郭壁民心愿恪兵敦儉樸氣質驍悍所居均以土屋夏秋水淋漓而已並無傾盆汪洋大注之雨但土瘠民貧謀生不易聰明讀書入泮者少只在公署當差以筆耕餬口無力上進魯鈍者或入伍食糧或竭力務農或服賈治生業而嬉游流蕩之風不聞焉元旦佳節男婦登堂拜賀新年富者盛設筵宴款待彼此治酒互相請答人情頗爲醇厚然燈節以後卽各事其事亦無宴樂流連之習

元宵佳節張燈五夜今吾不禁燈光輝煌游人瞻燈盈街塞巷各鋪戶中鏡鉞喧天烟花炮鬧熱非常

二月初二日土地神生辰自初一日夜亦張燈起至初三日止白晝間各鋪戶作抬歌數十獻於土地神前游街穿巷鬧熱俗規

衣服樸素兵民間皆以布爲衣而無帛者卽殷富之家亦僅棉紬川紬服一兩件惟新年及

喜筵壽觴中着之歸卽藏笥中率以布爲常如平時衣偶華美者人卽駭異以爲過奢飲食儉約哈密城雖五穀俱產人家均用麩飯羊肉而食者多其食白米與豬肉者甚少日用率以包穀豌豆大麥莠麥小米雜菜蔬爲饗飧謂其耐飢而酒肉稻粱除養老祭先宴賓之外不御焉

婚娶多因舊親爲親倩媒說合受聘金盒酒爲禮納采納幣不過豬隻酒米布疋婚期遠近親戚聚集賀喜有鬧房俗規有力之家會客內外族黨姑娘姊妹而已酒筵從俗無過爲豐靡者喪葬棺槨衣衾稱家有無以厚薄方死則報訃於親戚咸來弔哭及殮以香帛酒肉上供有力者凡內外親黨皆散白戴孝無力則否旣殮有葬期卽葬之無期或一月半載卜吉日延禮賓會戚友具靈芻銘旌等物先期客奠及期家奠宴畢齊挽紼送墳山埋之家貧無力止略具禮祭不敢過求豐美至若謂僧道誦經偶亦有之知禮者不爲也器尙陶瓦棹几牀榻皆質而不華極富亦未鋪張擺設者

民情畏訟凡詞訟皆奸蠹害人者爲之官明察重懲誣控者而訟獄頓息

鄉音六里不同言語俚俗無文飾嶺曰達坂坡曰崖子平原曰郭壁野聚曰莊子山蹲曰豁洛子然皆質直而無輕薄纖巧之習

# 哈密志卷之十八

## 食貨志一

### 屯田糧食

哈密城東北方塔爾納沁東西北四屯

額種地七十頃三十畝

頭二三四屯小麥地六十四頃三十畝每畝籽種一斗共籽種六百四十三石共收穫京斗

小麥四千一百四石五斗九升內

一扣留次年籽種六百四十三石

一扣留次年屯田馬牛三百二十六匹隻春種秋收一百日料六百五十二石內除青稞一

百八十五石五斗止留小麥四百六十六石五斗

一扣留兵遣三百名每名日需口糧麪一斤自每年十月初一日起至次年九月底止連閏

計十三個月內除小建六日不支外計三百八十四日共需麪一十一萬五千二百觔

一扣留遣犯一百三十名每名每月加增麪十觔自每年十月初一日起至次年九月底止

連閏計十三個月共需麪一萬六千九百觔

一扣留遣犯家口大口二口每口日需口糧麪一觔自每年十月初一日起至次年九月底止連閏計十三個月內除小建六日不支外計三百八十四日共需麪七百六十八觔

一扣留遣犯家口小口八口每口日需口糧麪八兩自每年十月初一日起至次年九月底止連閏計十三個月內除小建六日不支外計三百八十四日共需麪一千五百三十六觔

四項共需麪一十三萬四千四百四觔每觔一百八斤合京石小麥一石共合京石小麥一千二百四十四石四斗八升一合四勺

以上共除去京石小麥二千三百五十三石九斗八升一合四勺實剩應交哈密廳倉京石小麥一千七百五十五石六斗八合六勺

四屯青稞地五頃每畝籽種一斗共五十石共收穫京石青稞二百三十五石五斗

一扣留次年籽種五十石實剩青稞一百八十五石五斗儘數扣留次年牛馬料石訖

頭屯葫蘆地一頃每畝籽種三升共三石共收穫京石葫蘆五十一石一斗二升

一扣留次年籽種三石實剩應交哈密廳倉京石葫蘆四十八石一斗二升

蔡把什牛毛湖二屯

額種地四十二頃七十畝內

五六兩屯種小麥地一十四頃六十五畝每畝下京斗籽種一斗共下京石籽種一百四十六石五斗共收穫京石小麥一千六百三十二石五斗五升內

一扣留次年籽種小麥一百四十六石五斗

一扣留把總一員外委一名兵丁遣犯一百六十名共官兵遣犯一百六十二員名每員名日需口糧麪一觔自每年九月初一日起至次年八月底止連閏計十三個月內除小建六日不支外計三百八十四日共需麪六萬二千二百八觔

一扣留把總跟役二名每名日需口糧麪十兩自每年九月初一日起至次年八月底止連閏計十三個月內除小建六日不支外計三百八十四日共需麪四百八十觔

一扣留遣犯五十名每名每月加增麪十觔自每年九月初一日起至次年八月底止連閏計十三個月共需麪六千五百觔

一扣留遣犯家口大口二口每口日需口糧麪一觔自每年九月初一日起至次年八月底止連閏計十三個月內除小建六日不支外計三百八十四日共需麪七百六十八觔

一扣留遣犯家口小口四口每口日需口糧麪八兩自每年九月初一日起至次年八月底

止連閏計十三個月內除小建六日不支外計三百八十四日共需麪七百六十八觔

五項共需麪七萬七百二十四觔每麪一百八觔合京石小麥一石共合京石小麥六百五十四石八斗五升一合八勺

一扣留次年耕作馬一百八十六匹春耕秋收一百日料豆三百七十二石內除扣留莞豆二百五十石仍應扣留京石小麥一百二十二石

以上共除去京石小麥九百二十三石三斗五升一合八勺實剩應交哈密廳倉京斗小麥七百九石一斗九升八合二勺

五六兩屯種莞豆地一十二頃五畝每畝下京斗籽種一斗共下京石籽種一百二十石五斗共收穫京石莞豆六百九十一石九斗二升

一扣留次年籽種莞豆一百二十石五斗

一扣留本屯馬匹料石莞豆二百五十石實剩應交哈密廳倉京石莞豆三百二十一石四斗二升

五六兩屯種穀地一十六頃每畝下京升籽種二升五合共下京石籽種四十石共收穫京石穀子九百四十三石四斗



一扣留次年籽種穀子四十石實剩應交哈密廳倉京石穀子九百三石四斗

五六兩屯每年收穫穀草二萬三千七十束

一扣留次年喂養田工並備撥馬匹穀草一萬二千束實剩應交哈密廳廠經費穀草一萬一千七十束



# 哈密志卷之十九

食貨志二

廳倉

哈密廳倉厥除塔爾納沁蔡把什牛毛湖等屯扣留官兵口糧等項外每年實交哈密廳倉收貯京斗

小麥二千四百五十九石八斗六合八勺交十家磨戶磨麪供支往來大臣官員解差兵役等口糧如有不敷該廳採辦麥石磨麪供支報銷藩司係動用備供銀兩項下請領並領到銀數並不呈報大臣衙門印房胡麻四十八石一斗二升交營磨油供支滿漢印房蔡湖牛毛湖兩屯兵遣使用及入覲伯克並營中所用谷子九百三十四石供支辦事大臣主事十二軍台官兵食用並散給過往遣犯口糧

莞豆三百二十石四斗二升供支營馬及軍台營塘各馬並差馬喂養如有不敷該廳採辦供應報銷藩司係動用備供銀兩項下請領並領到銀數並不呈報大臣衙門印房十斤重谷草一萬一千七十束供支營塘馬并差馬十二軍台馬匹喂養如有不敷亦係採辦供應

報銷藩司係動用備供銀兩項下請領并領到銀數並不呈報大臣衙門印房  
哈密廳庫尙有存貯布疋茶封磁器造冊報銷

# 哈密志卷之二十

## 食貨志三

### 經費開銷

哈密廳銀庫經費項下開銷

哈密每次奏調經費銀五萬兩應供各項款目開列於後

一供支哈密總辦大臣每年養廉銀九百兩

幫辦大臣每年養廉銀六百兩

一供支主事一員每月鹽菜銀二十五兩每年俸銀六十兩每季粟米二石九斗二升九合九勺每季白麪二百七十斤

一供支滿印房部缺筆帖式一員每月鹽菜銀十二兩

委筆帖式六員每員每月鹽菜銀五兩

部缺筆帖式一員委筆帖式六員共七員每員日支白麪一斤月支白麪三十斤每季支白麪九十斤每員連役日支粟米一合六勺月支粟米四升九合每季支粟米

一斗四升六合九勺

一供支漢印房從九品未入流三員每員每月鹽菜銀三兩白麪九十斤

一供支漢印房經承三名每名每月工食銀四兩八錢

一供支漢印房貼書十名每名每月工食銀二兩

一供支聽差千把外委鹽菜銀兩

千總一員跟役二名每季鹽菜銀八兩零一分白麪一百二十斤粟米一石二斗二

升一勺

把總一員跟役二名每季鹽菜銀六兩五錢一分五釐白麪一百二十斤粟米一石

二斗二升一勺

外委一員跟役一名每季鹽菜銀四兩一錢四分七釐五毫白麪一百二十斤粟米

四斗八升一合四勺

一供支官醫一名每季勞金銀十五兩白麪一百七十八斤

斗級四名每季工食銀十四兩二錢四分白麪二百斤粟米一石二斗九升四合八

勺

一供支沁蔡牛三屯修補農具磨合銀兩每季領銀九十五兩一錢八分三釐

一供支沁蔡二屯種地遣犯衣履鹽菜銀兩

塔爾納沁屯田原額種地遣犯一百三十名

蔡把什牛毛湖屯田原額種地遣犯五十名

二共遣犯一百八十名每遣犯一名一年應給小衫一件每件價銀三錢一年應

給單褲二條每條價銀三錢一年應給鞋二雙每雙價銀四錢五分一年應給毛

裹脚一雙每雙價銀一錢二分二年應給大衫一件每件價銀六錢二年應給絨

帽一頂每頂價銀一錢二分三年應給無面羊皮大襖一件每件價銀二兩

每遣犯一名日支鹽菜錢五文月支鹽菜錢一百五十文每歲支鹽菜錢一千八

百文每錢七百分日支白麪一斤月支白麪三十斤每歲支白麪三百六十斤

每遣犯一名每月加增麪十斤每歲加增麪一百二十斤遣犯家屬大口每口日

給麪一斤小口每口日給麪半斤

以上衣履鹽菜銀兩按夏冬二季請領遇給皮衣絨帽大衫之年領銀較多因此難以

定數

一供支迪化州等處每年調取農具各物支過車價銀兩並解兵鹽菜口糧不定多寡照數供支

一供支哈密回王派往巴里坤所屬蘇吉等五處軍台當差回子五十名鹽菜銀兩內金頂

回子五名每名日支鹽菜銀四分散回子四十五名每名日支鹽菜銀三分每季共領銀一

百三十七兩九錢五分

一供支前往各城並回京官員糧員鹽菜車價銀兩不定多寡按品支領

一供支內地派往各城換防並撤回官兵鹽菜車價銀兩不定多寡按數支領

一供支各城故員夫馬折價並故兵骨殖車價銀兩不定多寡按品支領

一供支回王每年俸銀一千二百兩

一供支春秋致祭文武廟牲畜銀兩每年共銀四十二兩八錢

一供支運送新疆各城綢緞雜費並伊犁綢緞雜費官兵脚價雜費鹽菜銀一百七十七兩

九錢白麪二百四十八斤

一供支解送發往新疆遣犯車價口食並解兵鹽菜銀兩內

遣犯一名自哈赴番計程一千里定例按五十里為一站共計二十站日支鹽菜錢

五文共支鹽菜錢一百文定例七百元折銀一兩每錢一百文折銀一錢四分一釐



日支粟米八合三勺

一犯派解兵二名每名日支鹽菜銀三分白麪一斤往回二十八日每名共支銀八錢四分白麪二十八斤

遣犯按六名給車一輛每輛每百里給車價銀一兩二錢自哈至番計程一千里共支車價銀一十二兩按遣犯一名攤需銀三兩八錢二分二釐粟米一斗六升六合白麪五十六斤解兵步行不支車價

一供支運送新疆各城官茶腳價並押送官兵鹽菜銀兩每茶一封重五斤每起一萬封共重五萬斤按一百三十斤合糧一京石共合京石糧三百八十四石六斗一升五合四勺每石每百里給腳價銀三錢自哈密至關展計程七百九十里共支腳價銀九百一十一兩五錢三分八釐

解官外委一員兵丁十名每名每日鹽菜銀三分口糧麪一斤自哈密至關展往回二十二日鹽菜銀七兩二錢六分白麪二百四十二斤

一供支每年哈密廳轉運新疆各城經費滿餉銀共總一百三十七萬九千九百八十八兩三錢五分一釐六毫九絲按二千兩合糧一京石共合京石糧六千八百九十九石九斗四

升一合七勺每石每百里給腳價銀三錢自哈密至吐魯番計程一千里共該腳價銀二千零六十九兩九錢八分二釐五毫二絲按五萬兩派撥聽差外委一員兵丁五名所有聽差外委鹽菜已在聽差案內支領外止支外委車二分每輛每百里給車價銀一兩二錢自哈密至吐魯番往回計程二千里共支車價銀四兩八錢每銀一萬派兵一名日支鹽菜銀三分口糧白麪一斤自哈密至吐魯番往回共支鹽菜銀八錢四分口糧白麪二十八斤若派把總例不支車價應由本身例馬乘騎

副都統

跟役十二名連役日支鹽菜銀六錢

頭等侍衛

跟役五名連役日支鹽菜銀二錢一分六釐六毫

二等侍衛

跟役四名連役日支鹽菜銀二錢一分六釐六毫

三等侍衛

跟役三名連役日支鹽菜銀一錢六分六釐六毫

四等侍衛

跟役四名連役日支鹽菜銀一錢六分六釐六毫

以上官日支粟米八合三勺跟役每名每月米麪折半搭支自京赴任由任回京者支給路行鹽菜到任者僅支米麪不支鹽菜

一間二年各城入覲伯克到哈密由大人分定班次廳員較準行李備辦車駝運送營派大

員撥給馬匹帶兵照料護送出境

一浩罕屆十年入覲一次到哈密由廳員預備筵宴一切什物在大人公堂陳設預備定日筵宴後廳員備辦車駝營中仍派大員帶兵照料護送出境



# 哈密志卷之二十一

## 食貨志四

### 雜課

歲徵出關路過商民販貨鐵輞車每輛稅銀三兩木輞車稅銀二兩其稅銀該哈密廳作爲幫貼接運罪人車價

歲徵赴巴里坤吐魯番兩路無論商民運貨鐵輞車木輞車每輛稅銀均係二兩亦係哈密廳交該差役添助接運罪人車價

歲徵商民進關口票每張稅銀四錢

歲徵赴巴里坤吐魯番民人口票每張稅銀七錢

歲徵進關西路運販玉塊商民論斤重取稅給口票稅銀無定額

以上五項哈密廳派差役查辦並不奏銷



哈密志卷之二十二

食貨志五

戶口

哈密協營並沁蔡屯兵丁眷口定數開列於後

舊管營兵男婦老幼等二千八百一十二名口

開除營兵男婦老幼等九十一名口

新收營兵男婦幼女等一百三十名口

實在營兵男婦老幼等二千八百五十一名口

東關鄉民人等共八百七十三名口

開除鄉民男婦老幼等三十一名口

新收鄉民男婦幼女等七十名口

實在鄉民男婦老幼等九百一十二名口

西關鄉民人等五百三十二名口

開除鄉民男婦老幼等二十二名口

新收鄉民男婦幼女等五十五名口

實在鄉民男婦老幼等五百六十七名口

北關鄉民人等四百六十五名口

開除鄉民男婦老幼等二十一名口

新收鄉民男婦幼女等三十二名口

實在鄉民男婦老幼等四百七十二名口

各莊男婦丁口等一千零六名口



哈密志卷之二十三

食貨志六

物產

穀屬 稻 穀子 小麥 大麥 糜子 青稞 莜麥 黃豆 綠豆 豌豆 小豆

扁豆 蠶豆 黑豆 棉花 胡麻 芝麻 高粱 糯穀 苞穀 小麻子

菜屬 王瓜 東瓜 絲瓜 倭瓜 甜瓜 西瓜 金瓜 苦瓜 芹菜 白菜 菠菜

蒿笋 莧菜 葱 蒜 辣 韭 茄子 洋芋 江豆 刀豆 胡蘿蔔 水蘿蔔

大蘿蔔 西葫蘆 胡荽 頭髮菜 葫蘆 山藥 茄蓮 沙葱 蕉蒿 苜宿

苦蕪菜 長壽菜 馬蛇菜 藜藿 蕨

果屬 桃 杏 李 梨 小棗 沙棗 石榴 葡萄 長圓俱有 胡桃 蘋果 白果 檳子果

俗曰紅果 櫻桃 楸子 桑椹

花屬 牡丹 玫瑰 葵花 高麗菊 臭芙蓉 千歲穀 海南花 雞冠花 係紅白 燈

蓋花 檳榔花 金絲蓮 江西臘 刺梅花 紅色 喇叭花 嬰粟花 馬蘭花 黃藍二色

金針花 石竹花

木屬 松 梧桐 桑 皮樹 楊柳 線柳 白楊 栢 槐 沙棗樹 紅柳樹 臭

椿 榆樹

藥屬 大黃 甘草 山藥 黨參 荊芥 薄荷 木賊 桃仁 杏仁 雪蓮 小茴

香 益母草 白扁豆 摧生草 首即合 車前

蟲屬 家蠶 螳螂 八叉蟲 蜘蛛 蝎子 蛇 馬蛇子 石龍 守工 野蠶

禽屬 雞 鴨 鵝 蝙蝠 雉雞 野鴨 鸚鵡 鵬 鷹 雁 鴿 野鴿 沙雞

天鵝 半翅子 肱膝雞 絨雞子 水駱駝 大紅袍 洋畫眉 一點紅

獸屬 虎 狐 狸 狼 兔 豆鼠 野猫 黃鼠狼 羊 尾大 猪 耳大 牛 馬 驢

騾 黃羊 大頭羊 鹿 麀 野猪 靈羊 野馬 熊 野騾 毛牛 旱獺 豹

松貂

石屬 玉石 出馬達 星星石 煤炭 沙石 石灰 青石 磨刀石

貨屬 回子布 回子小刀 毡 氈 桐油 黃臘 白臘

# 哈密志卷之二十四

## 職官志一

### 官制

一哈密欽差辦事大臣一員幫辦大臣一員統轄辦理哈密往來一切事務於乾隆二十三年設欽差辦事大臣二員於二十七年奉旨頒給管理哈密糧餉事務大臣銀印一顆兼管辦回部事務今將歷任列後

辦正 布正司德 舒 於乾隆二十一年八月抵任

辦正 巡撫吳 達善 於二十三年秋抵任  
於二十四年正月回肅州

辦正 內閣學士五 吉 於二十五年二月仍抵任  
於二十五年二月抵赴巴里坤

辦正 布政使永 寧 於二十四年七月補授任  
於二十四年七月抵任  
兵部侍郎調巴里坤

辦正 道員淑 寶 於二十五年九月回京任

辦正 道銜三 寶 於二十六年正月回京任

先副 道員薩 瀚 於二十七年七月抵任  
後正 道員薩 瀚 於二十七年七月抵任

辦副 道銜亢 保 於三十二年調關展 抵任

先副 郎中銜挖 穆齊圖 於三十二年三月抵任 京

辦正 道銜文 綬 於三十三年八月抵任 陞授河南巡撫

辦副 員外郎雙 鼎 於三十四年正月回京 抵任

辦正 按察使徐 績 於三十五年二月抵任 烏魯木齊

辦正 侍郎永 寧 於三十五年由烏魯木齊調哈密 八月回京

辦正 道銜佛 德 於三十五年八月抵任 回京

辦正 道銜明 琦 於三十九年正月回京 抵任

辦副 員外郎克 星 額 於三十九年三月回京 抵任

辦副 府銜松 齡 於四十四年四月抵任 回京

辦正 府銜佛 德 於四十七年正月抵任 回京

辦副 道銜哈 靖 阿 於四十九年二月回京 抵任

辦正 按察使職銜慶 玉 於四十七年四月抵任 烏什

辦副 五品職銜穆 和 蘭 於四十九年四月抵任 烏什

辦正 三品職銜巴彥三 於四十九年六月陞陝西巡撫

辦副 副都統廣福 於五十年六月病故

辦副 副都統范建中 於五十五年三月回京

辦正 副都統職銜伊桑阿 於五十五年十一月回京

辦副 頭等侍衛增保 於五十五年三月回京

辦正 頭等侍衛職銜覺羅琅玕 於五十五年正月調葉爾羌

辦正 四品職銜塔琦 於五十七年六月調吐魯番

辦正 三等侍衛雅德 於五十八年八月調葉爾羌

辦副 道員職銜王懿德 於五十八年八月回京

辦正 四品職銜穆和蘭 於六十年七月抵任庫車

辦副 刑部右侍郎宗室僧保住 於二十年八月抵任里雅蘇台

後正 副 三等侍衛誠毅伯伍彌烏遜 於五年七月回京

辦副 三等侍衛宗室都爾嘉 於五年正月調赴烏什

後正 副 乾清門頭等侍衛隆福 於七年十一月抵任庫車

辦正 副都統佛智 於五年正月告休回杭

後先 正副 副都統職銜麟保 於七年十二月調赴喀喇沙爾

辦副 副都統職銜阿爾綱河 於八年正月調赴庫車

辦正 三等侍衛宗室景燭 於九年二月回京

後先 正副 二等侍衛成書 於十一年六月抵任 於十一年十二月回京

後先 正副 二等侍衛宗室花尙阿 於十四年六月回京

辦副 二等侍衛羅布藏多爾濟 於本年十一月調赴伊犁

辦副 三等侍衛景祿 於十三年七月回京

辦副 頭等侍衛那彥保 於十三年十一月調赴阿克蘇

辦副 藍翎侍衛台斐音 於本年七月調和闐

辦正 頭等侍衛一等奉義侯成德 於十四年正月回京

辦副 乾清門頭等侍衛阿爾保 於十四年八月調和闐

辦副 三等侍衛色克通阿 於十五年四月回京

辦正 三等宗室文翰 於十七年正月回京

正辦 頭等侍衛續順公德 通 於十九年五月回抵京

副辦 頭等宗室玉 福 於十七年十月調喀什噶爾

先正 副 三等侍衛慶 長 於二十七年十二月回抵京

副辦 藍翎侍衛成 寧 於十九年十二月調喀什噶爾

副辦 頭等侍衛積 德 於二十三年二月回抵京

正辦 副都統東 林 於二十一年十二月回抵京

副辦 三等侍衛佛 住 於二十四年三月調庫爾喀喇烏蘇

正辦 頭等侍衛多 山 於本年九月回抵京

副辦 二等侍衛明 舒 於道光四年六月回抵京

正辦 頭等侍衛福 珠 隆 阿 於三十年四月回抵京

先正 副 二等侍衛長 慶 於二十五年十一月抵任

副辦 藍翎侍衛西 郎 阿 於四年二月回抵京

正辦 副都統恒 敬 於七年二月調烏什

副辦 二等侍衛嵩 惠 於七年六月回抵京

辦正 頭等侍衛恩 銘 於七年八月抵任

辦副 頭等侍衛國 勒明阿 於七年八月抵任 於八年七月調烏魯木齊領隊

後正 副二等侍衛敦 良 於十九年八月抵任

辦正 副都統職銜穆 霽阿 於十九年十二月回抵京

後先 正副 頭等侍衛松 廷 於十一年正月回抵京

辦正 內閣學士兼禮部侍郎賽 尙阿 於十二年二月抵任

辦副 頭等侍衛賡 福 於十四年四月抵任 於十五年五月抵任

辦正 副都統職銜薩 迎阿 於十四年七月抵任

辦副 四等侍衛宗室常 明 於十五年二月回抵京

後先 正副 頭等侍衛那 當阿 於十五年三月回抵京

辦副 三等侍衛佛 麟 於十六年三月回抵京

辦正 頭等侍衛固 慶 於十八年五月抵任 於十九年五月調陞科布多

辦正 頭等侍衛賡 福 於十九年三月由庫車調陞哈密於五月抵任

辦副 藍翎侍衛興 德 於本年八月二月護送進京



辦副 頭等侍衛那瑪善 於十八年十一月回京

辦副 藍翎侍衛聯順 於二十九年六月抵任 於三十年正月調陞喀喇沙爾

辦正 副都統德全 於二十四年三月回京

先正 署副 二等侍衛恒毓 於二十六年七月抵回京

辦正 三等侍衛瑞元 於二十四年五月抵任 於本年七月調陞駐藏大臣

辦副 三等侍衛承恩公安 於二十五年四月抵回京

辦正 副都統鍾方 於二十六年閏五月抵回京

### 回部章京

一滿印房回務章京一員管理回部清文事宜於乾隆五十九年具奏奉旨准其添設主事  
銜一員缺以筆帖式補充將歷任列後

### 主事銜

塔凝阿 富爾松阿 祥 凌 雙 興 圖勒炳阿

烏經阿 莫爾根 聶車布 哲爾精額

### 筆帖式

一部缺筆帖式一員經理往來各城咨來清文譯漢繙清事務亦由乾隆五十九年將歷任列後

部缺筆帖式

吉勒通阿 札庫莫 圖明阿 烏勒登額 富尼揚阿

額哲屯 全喜 經文泰 達三布 托英

委署筆帖式

一委署筆帖式六名會同部缺筆帖式登記檔案繕寫摺奏行文

委署筆帖式

雙喜 塔清阿 德克精額 文林 胡松額

瑪拉洪阿 阿昌阿 阿東阿 札庫齊 伊長阿

特圖遜 克陞額 珠琅阿 德克登額 穆克登布

金齊顯 胡東阿 穆彰阿 特通額 吉勒唐阿

吉拉蘇 伊拉哈春 佛鸞阿 德鳳 阿納豐阿

鳳常 常喜 毓春 文緒 伯勒格圖

達薩杭阿 成 俊

漢印房經承

一經承三名於嘉慶二年吏部來文內稱辦理各房事務五年役滿咨部籤掣以從九品未入流二項雙月四缺後補用

漢印房

一貼寫書吏十名



# 哈密志卷之二十五

職官志二

文職

通判

一哈密廳通判一員

管理地土民情往來大臣官員差役遣犯供支鹽菜口糧騾價車價等事並官兵養廉糧餉

巡檢

一哈密巡檢一員管理監獄事務兼管地方事

官醫

一哈密官醫生一員管理醫治疾病事



# 哈密志卷之二十六

## 職官志三

### 武職

一哈密協副將一員總理哈密營官兵馬匹糧餉並操演事宜

都司二員內一員管理屯田種植事務並操演兵丁事一員管理中軍事務兼管軍台差馬營馬備撥馬匹並管兵丁糧餉事操演事

千總二員內二員各專管本營左右汛事均兼操演事

把總六員內二員屯田事務四員管理營中操演差使

經制額設外委六員內一員屯田事務五員營中分管差操

額外外委七名二名屯田事務五名在營中分管差操

聽差官八員預備押解綢緞餉銀等項要差